

All in for Kids

Lub Khoos Kas Birth to 3 (Tus Me Nyuam Yug Kiang txog 3 Xyoos) Tsev Neeg Tsab Ntawv Xov Xwm

All in for Kids (Tag Nrho Rau Me Nyuam): Lub Khoos Kas Birth to 3 (Tus Me Nyuam Yug Kiang txog 3 Xyoos) yog ib phau ntawv xov xwm uas yuav pab qhia rau koj thiab koj tsev neeg paub meej txog cov kev pab cuam uas muaj muab los ntawm Lub Khoos Kas Birth to 3 (Tus Me Nyuam Yug Kiang txog 3 Xyoos). Tsab ntawv xov xwm yog sau tawm los ntawm Wisconsin Department of Health Services (Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv).



Lub Khoos Kas cov kev pab cuam Birth to 3 (Tus Me Nyuam Yug Kiang txog 3 Xyoos): kev kho lub cev

(Birth to 3 Program services: physical therapy)

Lub Khoos Kas Birth to 3 (Tus Me Nyuam Yug Kiang txog 3 Xyoos) yog ib lub khoos kas kev kawm tshwj xeeb txog kev cuam tshuam thaum ntxov. Nws yuav pab cov me nyuam yaus hnuv nyoog qis dua 3 xyoos uas muaj kev loj hlob los sis xiam oob qhab. Lub khoos kas pab kom cov me nyuam yaus kawm paub, sib tham sib cuam tshuam, thiab loj hlob tau tom tsev, hauv cov chaw zov me nyuam, thiab nyob hauv zej zog.

Cov tsev neeg tau tso npe rau hauv Lub Khoos Kas Birth to 3 (Tus Me Nyuam Yug Kiang txog 3 Xyoos) tuaj yeem tau txais ntau yam kev pab cuam. Cov kev pab cuam tau txais kev txiav txim siab los ntawm pab pawg ua hauj lwm saib xyuas uas yuav muaj tsev neeg thiab saib raws li cov kev xav tau ntawm tus me nyuam yaus thiab lawv tsev neeg. Cov kev pab cuam uas tau txheeb qhia no muab teev tseg nyob rau hauv

H

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm ntsig txog Kev Ntawv), Individuals with Disabilities Education Act (Tsab Cai Hais Txog Kev Kawm ntawm Cov Neeg Xiab Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

Individualized Family Service Plan (Txoj Phiaj Xwm Muab Kev Pab Cuam Rau Tsev Neeg Ib Yim Zuj Zus) (IFSP).

Cov qauv piv txwv ntawm cov kev pab cuam uas tej zaum tsev neeg yuav tau txais yog kev kawm tshwj xeeb, kev kho mob kom ua tau hauj lwm, kev kho mob kom hais tau lus, thev naus laus zis muab kev pab, thiab kev kho ib ce.

Hauv phau ntawv xov xwm no, peb yuav tsom rau cov kev pab cuam txog kev kho ib ce kom rov zoo li qub.

Kev kho ib ce yuav muaj nyob hauv Lub Khoos Kas Birth to 3 (Tus Me Nyuam Yug Kiag txog 3 Xyoos)

Kev ntsia ntsoov koj tus me nyuam loj hlob yog ib qho uas zoo siab heev, thiab nws yog ib qho tseem ceeb yuav tau paub tias txhua tus me nyuam loj hlob sib txawv. Qhov no txhais tau tias txhua tus me nyuam yuav tsim tau cov kev txawj ntse thiab ua tau raws li lub hom phiaj raws li lawv txoj kev loj hlob ntawm tus kheej. Kev pab thaum tseem ntxov nrog rau kev txhim kho tej leeg nqaij thiab cov kev txawj ntse fab kev txav mus los yog qhov tseem ceeb heev yog tias cov me nyuam yaus tsis txhua ua yam uas lwm cov me nyuam yaus uas nyob rau lawv lub hnuv nyoog ua ntawd, xws li kev dov mus los, kev sawv zaum, los sis kev mus kev. Nws yog tej yam uas keev pom muaj tas li—li ib tug ntawm txhua 40 tus me nyuam hauv Teb Chaws Meskas xav tau kev pab ntxiv me ntsis kom ua tau raws li cov hom phiaj no.

Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos) pab txhawb nqa cov me nyuam yaus hauv txhua tus yam ntxwv ntawm kev loj hlob, suav nrog kev pab kom lawv txav mus los tau thiab ua si tau. Kev kho ib ce tuaj yeem yog ib feem ntawm cov kev ua si uas muaj kev lom zem hauv txhua hnuv xws li kev ua si, kev noj mov, los sis kev hnav khaub ncaws. Ua kom muaj kev lom zem thiab tsis ua kom hnov zoo li muaj hauj lwm ntxiv tuaj pab kom txhua hnuv hnov zoo li yog hnuv ua si li ib txwm xwb.

Vim li cas kev pib kho ib ce thaum tseem yau thiaj li yog qhov zoo heev

Kev pib kho ib ce thaum tseem yau muaj txiaj ntsig zoo ntau yam. Nws qhia pom tias koj tsev neeg paub txog txoj hauv kev yuav pab koj tus me nyuam:

- Ua kom yooj yim dua tuaj thiab txav mus los kom nyab xeeb hauv lub sij hawm ua cov kev ua si ntawm tsev neeg.
- Txav mus los ib ncig ntawm lawv lub tsev thiab lwm qhov chaw tau yooj yim.
- Siv lawv cov leeg nqaij kom muaj zog tuaj.
- Kev ua kom lub cev xwm yeem los ntawm kev siv lawv lub zog ntawm tus kheej los sis los ntawm kev siv cov khoom uas muaj kev nyab xeeb, uas lawv swm hauv lawv qhov chaw ib puag ncig.
- Kawm paub cov hauv kev muaj kev nyab xeeb kom txav tau mus los kom tsis txhob raug mob.
- Ua si sib caum thiab muaj peev xwm muab tau cov khoom ua si.
- Tsim muaj tej kev mus los kom tau zoo, uas yog qhov tseem ceeb rau kev noj qab haus huv txhua yam thaum uas lawv loj hlob tuaj.

NCAUJ LUS RAU KOJ

Koj tus me nyuam mos li kev loj hlob ntawm lub cev puas tau txais kev soj qab xyuas? Kawm paub ntau ntxiv los ntawm kev luam theej tus zauv QR hauv qab no los ntawm kev nkag mus saib hauv [healthychildren.org/English/ages-stages/baby/Pages/Is-Your-Babys-Physical-Development-on-Track.aspx](https://www.healthychildren.org/English/ages-stages/baby/Pages/Is-Your-Babys-Physical-Development-on-Track.aspx)



Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm ntsig txog Kev Ntawv), Individuals with Disabilities Education Act (Tsab Cai Hais Txog Kev Kawm ntawm Cov Neeg Xiab Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

Kev sib tham yuav pab tau

Yog tias koj muaj kev txhawj xeeb los sis muaj lus nug hais txog qhov uas koj tus me nyuam txav mus los tau los sis kev loj hlob li cas ntawd, nws yog qhov tseem ceeb yuav tham txog nrog koj Lub Khoos Kas Birth to 3 (Tus Me Nyuam Yug Kiag txog 3 Xyoos) tus kws muab kev pab cuam ib txwm los sis tus neeg cev ncauj cev lus. Koj yim tuaj yeem faib qhia txog yam uas koj tus me nyuam ua tau los sis ua tsis tau ntau npaum li cas, lawv yim yuav tuaj yeem muaj qhov phim tau rau cov kev pab txhawb nqa rau cov kev xav tau ntawm koj tus me nyuam tau zoo dua npaum li ntawd. Ua hauj lwm ua ke, koj tuaj yeem tsim tau ib txoj phiaj xwm uas pab koj tus me nyuam kom muaj kev noj qab haus huv zoo tshaj plaws thiab zoo siab tshaj plaws.

Saib mus rau yav tom ntej

Kev kho lub cev tsis yog yuav hais txog kev pab nrog cov kev txhawj xeeb hais txog kev txav mus los nkaus xwb. Tsis tas li ntawd, nws kuj hais txog kev tsim lub hauv paus txog lub neej uas muaj kev lom zem, nquag plias, thiab ywj pheej rau koj tus me nyuam. Kev soj qab xyuas txog txoj hauv kev uas lawv ua zoo li cas thiab sib tiv tauj nrog IFSP pab pawg ua hauj lwm li cas, koj yuav pab koj tus me nyuam npaj kom txhij los tshawb nrhiav, kawm paub, thiab loj hlob los pab rau lawv lub peev xwm kom txhij txhua.

Xav tias kev kho ib ce yuav yog qhov zoo rau koj tus me nyuam tam li yog ib feem ntawm Birth to 3 (Tus Me Nyuam Yug Kiag txog 3 Xyoos)? Nrog koj tus kws muab kev pab cuam ib txwm los sis tus kws cev ncauj cev lus txog kev pab cuam sib tham. ❖

Cov hom phiaj ib lub zuj zus yuav pab koj tus me nyuam thiab tsev neeg li cas

Thaum koj tus me nyuam nyob hauv Lub Khoos Kas Birth to 3 (Tus Me Nyuam Yug Kiag txog 3 Xyoos), koj yuav hnov hais txog IFSP cov txiaj ntsig ua tau los. IFSP yog sau ua Individualized Family Service Plan (Txoj Phiaj Xwm Muab Kev Pab Cuam Rau Tsev Neeg Ib Yim Zuj Zus), thiab cov txiaj ntsig ua tau los yog cov hom phiaj uas koj teeb tseg rau koj tus me nyuam thiab tsev neeg. Nws yog ib txoj phiaj xwm uas pab txhua leej ua hauj lwm ua ke los txhawb nqa koj tus me nyuam li kev loj hlob thiab kev txhim kho.

Saib tsev neeg ua ntej tshaj plaws

Txhua tus me nyuam muaj qhov tshwj xeeb tsis thooj leej twg thiab kuj yog txhua tsev neeg ib yam nkaus thiab. Vim li ntawd IFSP cov txiaj ntsig ua tau los thiaj li tau txais kev kho kom haum rau koj tus me nyuam thiab tsev neeg cov kev xav tau tshwj xeeb, cov kev ua tau zoo, thiab cov kev cia siab rau yav tom ntej. Nws zoo ib yam li txoj phiaj xwm ua hauj lwm rau ib tug neeg kheej rau koj thiab koj tus me nyuam txoj kev taug.

Koj tsev neeg yog ib feem tseem ceeb ntawm koj tus me nyuam txoj kev loj hlob. IFSP saib qhov tseem ceeb rau koj tsev neeg cov hom phiaj los ua qhov nruab nrab rau txhua yam. Nws txhais tau tias koj thiab cov neeg uas pab koj tus me nyuam xav paub txog yam uas nej cia siab yuav ua kom tau tiav ua ke. Ua li no, nej txhua leej yuav ua hauj lwm ua ke tam li yog ib pab pawg ua hauj lwm.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm ntsig txog Kev Ntawv), Individuals with Disabilities Education Act (Tsab Cai Hais Txog Kev Kawm ntawm Cov Neeg Xiab Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

Kev pab uas haum rau koj lub neej nrog txoj phiaj xwm uas loj hlob

IFSP tsis yog daim ntawv teev cov kev pab cuam nkaus xwb. Nws kuj yuav muaj seb hom twg ntawm cov kev pab cuam uas koj thiab koj tus me nyuam yuav xav tau, suav nrog cov ntsiab lus ntxaws xws li thaum twg, qhov twg, thiab tas li npaum li cas. Cov ntsiab lus ntxaws no yuav pab ua kom tau raws li cov hom phiaj thiab cov txiaj ntsig ua tau los uas koj teeb tseg rau koj tus me nyuam thiab tsev neeg. IFSP cov txiaj ntsig ua tau los yuav ua kom paub tseeb tias cov dej num thiab cov kev tuaj ntsib kiag tom tsev haum rau koj lub neej hauv txhua hnuv tau yooj yim.

Thaum uas koj tus me nyuam loj hlob, koj li IFSP yuav hloov pauv. Nws raug muab tsim tawm los uas muaj koj li tswv yim pab thiab raug muab hloov kho dua tshiab kom qhia txog yam uas koj tus me nyuam thiab tsev neeg txoj kev xav tau thaum ntev mus lawm. Xav tias nws yog ntaub ntawv kev hloov pauv uas loj hlob nrog koj tus me nyuam.

Cov txiaj ntsig ua tau los uas yog qhov tseem ceeb

Cov txiaj ntsig ua tau los yog lub plawv ntawm IFSP rau koj tus me nyuam. Cov ntaub ntawv no yog saib raws li yam uas tseem ceeb rau koj thiab koj tsev neeg. Txhawm rau pab kom koj tus me nyuam ua tiav hlo IFSP cov txiaj ntsig ua tau los no, nws yuav siv tau zoo tshaj plaws thaum ua tiav thooob plaws ib hnuv tam li yog ib feem ntawm koj tsev neeg cov dej num thiab cov hauj lwm ua txhua hnuv, xws li lub sij hawm da dej los sis sij hawm ua si. Cov dej num no muaj lub hom phiaj yuav coj tau cov kev hloov pauv uas muaj txiaj ntsig zoo rau koj tus me nyuam thiab tsev neeg lub neej. Piv txwv li, yog tias qhov txiaj ntsig ua tau los rau koj tus me nyuam yog ua kom mus taus kev ib leeg, ces pab pawg ua hauj lwm yuav tsim tau lub hom phiaj ntawd muab nkag mus rau cov dej num ua txhua hnuv xws li kev txav mus los ntawm chav nyob mus rau tom tsev ua mov noj rau cov sij hawm noj mov.

Feem zoo tshaj plaws hais txog cov txiaj ntsig ua tau no yog hais tias koj yuav pom tau koj tus me nyuam ua tau kev nce qib mus lawm zuj zus tau. Txawm tias koj tus me nyuam yuav ua si nrog cov khoom ua si thiab noj pluas mov nrog tsev neeg los ntawm kev zaum tau ntawm lawv tus kheej los sis kawm paub yuav siv rab diav los noj los xij, koj yuav paub txog thaum uas lawv ua tau mus lawm tom ntej. Cov kev ua tiav no yog kev ua kev zoo siab rau cov kauj ruam mus rau kev ua tau ywj pheej.

Tau tsom rau yam uas koj tus me nyuam nyiam

IFSP yuav xav txog yam uas koj tus me nyuam nyiam ua. Qhov no txhais hais tias cov txiaj ntsig ua tau los tsis yog hais txog kev pab koj tus me nyuam kawm paub thiab loj hlob nkaus xwb, tab sis yuav ua kom paub tseeb hais tias lawv muaj kev lom zem yuav ua qhov ntawd. Yog tias koj tus me nyuam nyiam ua qee yam duj num, ces IFSP yuav muab qhov dej num ntawd tso rau hauv tau.

TSIM RAU COV TSEV NEEG

IFSP yog koj tus me nyuam thiab tsev neeg txoj phiaj xwm ua hauj lwm kom muaj kev huaj vam. Muaj kev hloov kho tau, tsom rau yam uas koj xav tias yog qhov tseem ceeb, thiab yoog raws thaum koj tus me nyuam loj tuaj. Nws yog ib txoj hauv kev los ua kom paub tseeb tias koj tus me nyuam muaj kev lom zem uas tseem yog me nyuam yaus thaum uas kawm paub thiab loj hlob raws li lawv lub hnuv nyooog, uas muaj koj pab txhawb nqa lawv hauv txhua kauj ruam.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm ntsig txog Kev Ntawv), Individuals with Disabilities Education Act (Tsab Cai Hais Txog Kev Kawm ntawm Cov Neeg Xiab Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.



Rau npe nkag thiab ua mus lawm tom ntej

Koj tsev neeg thiab pab pawg ua hauj lwm yuav kuaj xyuas seb tej yam ntawd yuav ua tau nrog IFSP tau li cas yam tsawg hauv rau lub hlis. Tej zaum koj kuj yuav thov kom hloov pauv tshiab cov hom phiaj thiab cov txiaj ntsig ua tau los sis IFSP thaum twg los tau. Qhov no yuav pab txhua leej xyuas kom paub tseeb hais tias txoj phiaj xwm tseem yuav haum rau koj tus me nyuam cov kev xav tau thaum uas lawv loj tuaj thiab hloov pauv.

Nkag siab tau yooj yim thiab ua ke lom zem ua ke

Txhua yam hauv IFSP raug muab sau cia ua hom lus uas nkag siab tau meej, yog li ntawd koj yeej paub kiag tau tias nws txhais li cas thiab nws pab koj tus me nyuam li cas. Tsis muaj cov lus siv los sis cov lus uas tsis tshua muaj neeg siv ntau uas muaj qhov nyuaj. Qhov no txhais tau tias IFSP cov txiaj ntsig ua tau los kuj yuav raug muab sau ua hom lus uas nkag siab tau meej. Hom lus uas nkag siab tau meej yuav pab kom txhua leej hauv pab pawg ua hauj lwm paub tias thaum twg koj tus me nyuam los sis tsev neeg ua tau raws li qhov txiaj ntsig ua tau los-los sis lub hom phiaj. Nws yog txhua yam hais txog kev ua kom paub tseeb hais tias koj hnov tias kaj siab thiab muaj kev ntseeg siab txoj phiaj xwm. Yog tias koj tsis nkag siab los sis tsis pom zoo nrog qee yam hauv IFSP, koj yuav tsum nug txog tej yam ntawd tas li.

Kev ua tau raws li qhov txiaj ntsig ua tau los yog ib qho tseem ceeb heev! IFSP pab txhua leej pom thiab ua kev zoo siab rau cov sij hawm no. Nws hais txog kev lees paub txog txhua kauj ruam mus tom ntej, txawm tias yuav loj los me, tam li yog ib feem ntawm koj tus me nyuam txoj kev taug mus rau lub neej yav pem suab uas muaj kev kaj siab. ❖

Kev ua kom koj thiab koj tsev neeg muaj kev nyab xeeb los ntawm kob txhuas

Me nyuam yaus raug kuab txhuas txhaum tau li cas?

Feem ntau cov hlau lead lom yog los ntawm cov kob pleev tsev hauv cov tsev qub dua. Tau siv cov hlau lead tov nrog qee cov kob pleev tsev ua ntej txiaj tsis kheev siv thaum 1978. Thaum twg qub lawm, nws tawg los sis ua hmoov uas paug rau cov khoom ua si, cov rooj tog zaum, cov pem teb, cov ntug qhov rai, thiab cov sam thiaj. Thaum twg tus me nyuam noj tau tej khoom no los sis chwv tau cov hmoov rau lawv cov tes thiab muab tes ntsaws qhov ncauj, lawv yuav raug hlau lead lom.

Puav leej nrhiav tau hlau lead ntawm:

- Cov dej haus hauv lub tsev los sis lub nroog uas muaj cov kav dej hlau lead.
- Cov hmoov uas cov neeg laus coj tau los rau hauv tsev vim lawv ua hauj lwm muaj cov hlau lead, xws li kev pleev kob rau tsev los sis kev kho tshiab tej vaj tse.

KOJ PUAS

PAUB?

Cov me nyuam uas raug hlau lead lom yuav tsism nyog tau Lub Khoos Kas Birth to 3 (Tus Me Nyuam Yug Kiag txog 3 Xyoos).

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm ntsig txog Kev Ntawv), Individuals with Disabilities Education Act (Tsab Cai Hais Txog Kev Kawm ntawm Cov Neeg Xiab Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

Qhov uas niam thiab txiv mus chwv tau kuab txhuas tom chaw hauj lwm yuav cuam tshuam tau li cas rau lawv tus me nyuam?

Qee cov hauj lwm, xws li kev ua hauj lwm nrog dej siv, kev txiav txuas hlaus, thiab ua hauj lwm nrog cov tsheb uas cuam tshuam nrog tej khoom siv uas muaj kuab txhuas nyob hauv cov khoom ntawd. Muaj ob txoj hauv kev uas koj li kev chwv rau kuab txhuas ntawm chaw hauj lwm tuaj yeem cuam tshuam rau koj tus me nyuam.

- Thaum muaj cev xeeb me nyuam, kuab txhuas tuaj yeem hla tau ntawm tus neeg ua hauj lwm uas cev xeeb me nyuam cov ntshav nkag mus rau hauv cov ntshav ntawm tus me nyuam hauv plab uas tab tom loj hlob. Theem kuab txhuas uas muaj ntau hauv lub sijhawm cev xeeb me nyuam yuav ua rau muaj kev pheej hmoo txog cov teeb meem sib chab sib chaws ntawm cev xeeb me nyuam ntau tuaj. Txawm tias cov theem ntawm kuab txhuas muaj tsawg los xij yuav tuaj yeem ua rau muaj cov teeb meem txog kev coj cwj pwm thiab kev kawm paub hauv cov me nyuam.
- Kev nqa tau kuab txhuas los tom tsev tuaj yeem tshwm sim tau thaum ib tug neeg twg uas ua hauj lwm nrog kuab txhuas yuav nqa tau cov hmoov kuab txhuas los sis cov nplais txhuas los tom tsev tau hauv lawv lub cev, cov khaub ncaws, los sis cov khoom siv rau tus kheej. Qhov hmoov kuab txhuas no yog ib qho kev pheej hmoo rau cov me nyuam yaus twg uas yuav mus chwv tau cov kuab txhuas no.

Kuv yuav paub tau li cas yog tias kuv tus me nyuam tau kuab txhaum uas muaj kuab txhuas?

Ntsuas ntshav yog tib txoj nrhiav seb koj tus me nyuam puas raug hlau lead lom xwb. Feem coob cov me nyuam uas muaj cov hlau lead hauv lawv cov ntshav yuav tsis muaj cov kev mob tshwm sim dab tsi. Koj tus me nyuam tus kws kho mob yuav pom zoo kev ntsuas hlau lead lom thaum mus ntsuam xyuas kev noj qab haus huv. Yog tias lawv tsis ntsuas, koj thov tau kom ntsuas. Wisconsin Medicaid thiab lwm cov chaw pov hwm pab them nqi kho mob yuav them duav txoj kev ntsuas ntshav.

Yuav ua li cas yog tias tej zaum koj tus me nyuam twb tau raug kuab txhuas lawm

Yog tias koj tus me nyuam raug rau kuab txhuas, koj tuaj yeem tau txais kev pab los ntawm:

- Kev sib tham nrog koj tus me nyuam tus kws kho mob. Lawv yuav muab txoj kev ntsuas hlau lead, piav qhia txog cov kev ntsuas tau dab tsi thiab qhia rau koj paub yog yuav tau rhais cov kauj ruaj ruam tom ntej.
- Kev hu cuag koj lub tuam pab laj mej pej xeeb kev noj qab haus huv hauv zos. Txhua cheeb tsam nroog thiab haiv neeg tsawg muaj lub tuam tsev hauj lwm saib xyuas kev noj qab haus huv hauv zej zog uas tuaj yeem muab tau cov kev pab cuam thiab txuas koj mus rau cov chaw muab kev pab cuam uas muaj nyob hauv koj cheeb tsam zej zog. Koj yuav nrhiav tau cov ncauj lus kev sib cuag nrog koj lub tuam tsev pab kev noj qab haus huv hauv zos ntawm dhs.wi.gov/lh-depts/counties.htm.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm ntsig txog Kev Ntawv), Individuals with Disabilities Education Act (Tsab Cai Hais Txog Kev Kawm ntawm Cov Neeg Xiab Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

Cov chaw muaj kev pab

Cov chaw muaj kev pab cuam hauv qab no tuaj yeem pab koj paub seb koj los sis koj tsev neeg puas muaj kev pheej hmoo rau kev raug kuab txhuas thiab yam yuav tsum tau ua txog qhov ntawd.

- **Qhov Tshiab!** Kev sim kuaj xyuas kuab txhuas txhij txhua ntawm tag nrho cov me nyuam yaus uas muaj hnuv nyooq qis dua 6 xyoo (Daim Ntawv Qhia Txog Qhov Tseeb)
 - Kawm ntxiv ntawm: dhs.wi.gov/publications/p03557.pdf
- Wisconsin Kev Nyab Xeeb-Kuab Txhuas: Pov Thaiv Cov Neeg Laus tsis pub Raug Kuab Txhuas
 - Kawm ntxiv ntawm: dhs.wi.gov/adult-lead/workers.htm
- Pab Kom Koj Tsev Neeg Muaj Kev Nyab Xeeb: Tsis Txhob Nqa Kuab Txhuas Tom Koj Txoj Hauj Lwm Los Tom Tsev (Cov Ntawv Qhia Qhov Tseeb muaj ua Lus Askiv, Lus Mev thiab Lus Hmoob)
 - Kawm ntxiv ntawm: dhs.wi.gov/publications/p01737.pdf
- Sim Seb Puas Muaj Kuab Txhuas: Kuj Tseem Ceeb Rau Cov Neeg Laus Thiab (Daim Ntawv Qhia Qhov Tseeb txog Cov Kws Muab Kev Saib Xyuas Kho Mob Fab Kev Noj Qab Haus Huv)
 - Kawm ntxiv ntawm: dhs.wi.gov/publications/p01293.pdf
- Puas yog koj cev xeeb tub?
 - Kawm ntxiv ntawm: stacks.cdc.gov/view/cdc/117862 ❖

Lub Khoos Kas Birth to 3 (Tus Me Nyuam Yug Kiag txog 3 Xyoos) Xav Tau Koj Lub Tsev Neeg Cov Dab Neeg thiab Duab!

All in for Kids (Tag Nrho Rau Me Nyuam) tsab ntawv xov xwm yog rau tsev neeg. Peb xav nthuav qhia txog koj cov duab thiab cov kev ntsib nrog dhau los rau lwm tus neeg tau nyeem kom muaj kev lom zem nrog! Koj tuaj yeem faib lwm yam xws li:

- Muaj kev cuam tshuam zoo nrog Lub Khoos Kas Birth to 3 (Tus Me Nyuam Yug Kiag txog 3 Xyoos).
- Ib qho piv txawv txog txoj hauv kev uas Lub Khoos Kas Birth to 3 (Tus Me Nyuam Yug Kiag txog 3 Xyoos) tau pab koj tsev neeg los sis tus me nyuam.
- Ib daim duab los sis ib zaj dab neeg txog ib qho kev uas koj tau ua nrog koj tus me nyuam.
- Ib daim duab ntawm ib yam zoo nkauj los sis lwm yam uas koj tus me nyuam tau ua.

Xa koj zaj dab neeg ntawm koj lub tsev neeg los sis daim duab hauv email mus rau dhsbirthto3@dhs.wisconsin.gov nrog "All in For Kids (Tag Nrho Rau Me Nyuam)" rau ntawm kab teev lus qhia. Koj puav leej xa tau cov tswv yim dab neeg uas koj xav pom sau rau hauv daim ntawv xov xwm. Peb npaj siab xav hnov ntawm koj! ❖

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm ntsig txog Kev Ntawv), Individuals with Disabilities Education Act (Tsab Cai Hais Txog Kev Kawm ntawm Cov Neeg Xiab Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

Kawm Paub Ntau Ntxiv Txog Lub Khoos Kas Birth to 3 (Tus Me Nyuam Yug Kiag txog 3 Xyoos)

Phau ntawv qhia txog 1,000 Hnub ua ntej muab cov ntsiab lus qhia ntxaws txog lub khoos kas: dhs.wi.gov/library/collection/p-02928.

Cov Kev Pab Cuam Rau Lub Khoos Kas Birth to 3 (Tus Me Nyuam Yug Kiag txog 3 Xyoos) ntawm phau ntawv qhia Lub Ntsiab Luv-Luv piav qhia txog kev txhawb nqa thiab kev pab cuam uas muaj: dhs.wi.gov/library/collection/p-03011.

Early Intervention Services for Infants and Toddlers With Delays and Disabilities (Cov Kev Pab Cuam Kev Cuam Tshuam Thaum Ntxov rau Cov Me Nyuam Yaus thiab Cov Me Nyuam Nrog Kev Loj Hlob Qeeb thiab Kev Xiam Oob Qhab) hauv Wisconsin phau ntawv pab koj nkag siab tias kev cuam tshuam thaum ntxov li cas pab kom koj tsev neeg thiab tus me nyuam tau kawm paub thiab loj hlob ua ke: dhs.wi.gov/library/collection/p-03022.

Tsab xov xwm All in for Kids (Tag Nrho Rau Me Nyuam) dhau los: Lub Khoos Kas Birth to 3 (Tus Me Nyuam Yug Kiag txog 3 Xyoos) muaj nyob hauv oos lais: dhs.wi.gov/library/collection/akidsb-3-2023. ❖

KOOM NROG PEB COV EMAIL TEEV TSEG

Rau kev xa kom txog sai dua qub, sau npe nkag txhawm rau kom tau txais cov ntawv hauv tshuab hluav taws xob ntawm tsab ntawv xov xwm no thiab lwm yam email txog Lub Khoos Kas Birth to 3 (Tus Me Nyuam Yug Kiag txog 3 Xyoos). Mus rau ntawm dhs.wi.gov/aboutdhs/alerts.htm thiab swb qis thiab nias rau qhov Lub Khoos Kas Birth to 3 (Tus Me Nyuam Yug Kiag txog 3 Xyoos) Cov Ntaub Ntawv rau Tsev Neeg.

Tsis txhob hnob qab qhia rau koj tsev neeg thiab cov phooj ywg hauv Lub Khoos Kas Birth to 3 (Tus Me Nyuam Yug Kiag txog 3 Xyoos) kom sau npe nkag nrog thiab!

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Meskas Lub Tuam Tsev Hauj Lwm ntsig txog Kev Ntawv), Individuals with Disabilities Education Act (Tsab Cai Hais Txog Kev Kawm ntawm Cov Neeg Xiab Oob Qhab) (IDEA), thiab Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Xiam Oob Qhab.

All in for Kids (Tag Nrho Rau Me Nyuam): Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib tsab ntawv xov xwm sau tawm los ntawm Wisconsin Department of Health Services (Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) cov me nyuam thiab cov tsev neeg nyob rau hauv Lub Khoos Kas Wisconsin Birth to 3 (Tus Me Nyuam Yug Kiag txog 3 Xyoos).

Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib txoj kev pab cuam tshuam ntxov rau cov me nyuam tsis nto hnub nyooog 3 xyoos uas muaj cov kev cob pob thiab cov kev xiam oob qhab thiab lawv cov tsev neeg. Txoj kev pab sib koom tes nrog cov tsev neeg txhawm rau los pab tus me nyuam txoj kev loj hlob thiab txhawb rau lub tsev neeg cov kev peev xwm, kev txawj ntse thiab kev rab peev xwm thaum lawv ua ub no nrog thiab tu tus me nyuam. Rau lus qhia ntxiv mus saib dhs.wi.gov/children/index.htm.

Para leer este boletín en español, visite dhs.wi.gov/library/collection/akidsb-3-2024.

Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/akidsb-3-2024.

Rau lwm cov hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, မာလာဘဝ, Français, Polski, हिंदी, Shqip, Tagalog, Soomaali): 608-266-8560.